

Pulosay drud o drahbát

16 Shomay kerrá mayshomay gohár Pibiy sepáreshá kanán, ke Kenkriahay shahray kelišáay hezmatkáré,² tánke pa Hodáwandaygi, hamá paymá ke palgártagénáni arRESH ent, áiá gón wat bezurét o wasshátk bekanét o har komaké ke cha shomá lóthit, bekanét, chiá ke á, bázén mardoméay madatkár butag o mani jenday ham.

³ Mani salámán pa hamkárén Priskilá^a o Akwiláyá sar kanét, ke mani hamráhiá Issá Masihay hezmatesh kortag.⁴ Á pa manigi, cha wati zendá sar gwastagant. Tahná man na, darkawmáni sajjahén kelišá ham áyáni shográ gerant.⁵ Anchosh ham hamá kelišáyá mani salámán berasénét ke áyáni lóngá barjáh dáraga bit. Mani dordánagén dóst Epaynétusá ke pa Masihá Ásiáay^b damagay awali bar o samar at, drud sar kanét.⁶ Maryamá ke pa shomaygi bázén zahmaté kasshetagi salám sar kanét.⁷ Mani syád^c Andrunikás o Yuniásá ke mani hamráhiá bandig atant drud sar kanét.

Kásedáni nyámá á, arzeshmand o námdárén chehrag ant o cha man o pésar, Masihay báwarmand butagant.⁸ Ampliátsú drud sar kanét. Á, pa Hodáwandaygi maná báz dóst ent.⁹ Masihay hezmatá may hamkár Urbánus o mani dóstén sangat Estákisá drud sar kanét.¹⁰ Apelisá ke Issá Masihay kár o hezmatá páydár ent o anchosh ham Aristubulosay lóngay mardomán salám sar kanét.¹¹ Mani syád^d Hirudiuná drud sar kanét, Nárkisusay lóngay hamá mardomán ke Hodáwanday sará báwarmand ant salám berasénét.¹² Bánokén Tripiná o Tripusáyá ke pa Hodáwandá bázén káré kortagesh o anchosh dordánagén Persisá ke Hodáwanday ráhá mazanén hezmati kortag drud sar kanét.¹³ Pa Ruposá ke cha Hodáwanday némagá gechén kanag butag o áiay mátá ke pa man ham mátay paymá ent drud sar kanét.¹⁴ Asinkritus, Pligun, Hermes, Pátrubás, Hermás o á dega brátán ke gón áyán ant salám berasénét.¹⁵ Anchosh Pilulugos, Yuliá, Nirias o áiay gohár Ulímpás o sajjahén palgártagénán ke gón áyán ant drud sar kanét.¹⁶ Gón pákén chokkagán, yakdomiá drud o drahbát begwashét. Masihay sajjahén kelišá pa shomá salám déma dayant.

¹⁷ Oo brátán! Cha shomá dazbandia kanán, á mardomán sharr bechárét o watá cha áyán dur bedárét ke mardománi nyámá pléndhia kanant o shomay geptagén tálimáni helápá gonáhay sawabsáza bant.¹⁸ Chiá ke choshén mardom may Hodáwand Masihay hezmatá nakanant, á wati lápay golám ant o gón wati nárm o charpéen zobáná sádahén mardomán rada dayant.¹⁹ Shomay parmánbardáriay tawár o áwáz sajjahénáni nyámá proshtag o man cha shomá shádmán án, bale cha shomá lóthán ke pa nékén kárán dáná o hóshmand bebét o cha sellén kárán pák o sáp bemánét.²⁰ Sohl o émeniay Hodá, hamé zuttán Shaytáná shomay pádáni chérá hurta kant. May Hodáwand Issá Masihay rahmat shomay hamráh bát.

²¹ Mani hamkár Timutáwus shomárá drud o drahbáta gwashit, anchosh mani syád^e Lukius, Yásun o Susipáterus pa shomá salám déma dayant.

²² Man Tertius, é kágaday washnebis,^f cha Hodáwanday némagá shomárá druda gwashán.

²³ Gáyus ke maná o kelišáy sajjahén mardomi wati mehmándáriay sáhegá dáshtagant shomárá druda gwashit. É shahray hazánagay kelitdár Erástus o may brát Kwártus shomárá druda gwashant.

²⁴ May Hodáwandén Issá Masihay rahmat shomá sajjahénáni hamráh bát. Anchosh bát. Ámin.^g

Satá o saná

²⁵ Nun Hodáyá satá o saná bát, ke cha mani é wasshén mestág o Issá Masihay kolaway jár janagay barkatá, shomárá barjáh dáshta kant. É mestágay ráz, karnáni karn chér o bétawár at,²⁶ bale nun páshk o paddar butag o gón abadmánén Hodáy hokm o parmáná cha nabiáni nebeshtánkán darkawmáni nyámá pajjárénag butag, tán sajjahén kawm báwar bekanant o bemannant.²⁷ Cha Issá Mashiy ráhá yakkén dánáén Hodáyá tán abad shán o shawkat berasát. Anchosh bát. Ámin.

^a 16:3 Asligén Yunáni nebeshtánká "Priskilá" átkag, ke Priskiláy gwandh geptagén nám ent. ^b 16:5 Á wahdá, Ásiáay máná annugén Torkiahay rónendi némag at. ^c 16:7 Yá: hammolki. ^d 16:11 Yá: hammolki. ^e 16:21 Yá: hammolki.

^f 16:22 Washnebis, bezán káteb. ^g 16:24 Lahtén kwahnén syáhagá, band 24 nést.

Pulosay kágad pa Rumián

Pulosay kágad pa Rumián

© 2022 Wycliffe Bible Translators, Inc.

Gón Báibalay rajánk kanókén thimay komakká

[Creative Commons Attribution-NonCommercial-NoDerivatives 4.0 International License](#)

“Yassiyay risshaga rodit,
hamá ke páda kayt tán darkawmáni sará bádsháhi bekant,
áiay sará darkawm ométa bandant.”^a

¹³ Ométag Hodá ke shomá áiay sará báwar kortag, shomay delá cha shádehi o sohl o árámiá porr kanát, tán gón Pákén Ruhay wák o zórá cha ométá sarréch bebét.

Pulos, pa darkawmán kásedé

¹⁴ Oo brátán! Man deljam án ke shomá wat cha sharri o nékiá porr ét, har paymén zántá tamán ét o pa yakdomiay pant o tálímá twáná ét. ¹⁵ Bale man shomay sará lahtén chizzáni bárawá pa deléri nebeshtag tán padá á chizzán shomay yátá byárán. É cha hamá rahmatá ent ke Hodáyá maná bakshetag, ¹⁶ ke man pa darkawmán Issá Masihay hezmatkár bebán o pa Hodáy wasshén mestágay rasénagá hezmat o péshwái bekanán, tánke darkawm Hodáy dargáhá zortagén hayráté bebant ke cha Pákén Ruhá palgárag butag. ¹⁷ Gorhá, pa Issá Masihaygi, pa Hodáyá wati kortagén hezmatáni sará pahra kanán. ¹⁸ Maná bass hamá káráni bárawá habar kanagay tahn o joriat hastent ke Masihá cha mani dastá, bezán cha mani habar o kárán, kortagant tán darkawm parmánbardár bebant. ¹⁹ Áiá é kár, cha nesháni o mójezáháni wák o kodratá, gón Hodáy Ruhay zórá kortagant. Gorhá cha Urshalimá beger tán Ilirikumay damagá,^b man sajjahén ráhá tarr o gard kortag o Masihay wasshén mestág pa sarjami jár jatag. ²⁰ Mani armán hamé butag ke mestágá á jághán jár bejanán ke Masih ódá pajárag nabutag o degaráni ér kortagén bonheshtáni sará chizzé addh makanán.

²¹ Bale hamá dábá ke nebeshtah ent:

“Hamá ke áiay bárawá hechbar hál dayag nabutagant, gendant o
hamá ke hechbar áiay bárawá naeshkotagesh, sarpada bant.”^c

²² Paméshká báz randá mani dém dárag butag ke shomay kerrá átk makanán.

Pulos dém pa Rumá

²³ Bale nun pa man, é hand o damagán kár kanagá jáhé pasht nakaptag o bázén sáléá mani armán ham butag ke shomay kerrá byáyán. ²⁴ Paméshká mani delá ent ke dém pa Espániáyá wati sát o saparay ráhá, gón shomá gend o nend bekanán tán shomay gendokay wasshián o rand, shomá maná pa óday sapará madat bekanét.

²⁵ Bale nun Urshalimá, palgártagénáni hezmat kanagá rawagá án. ²⁶ Chiá ke Makduniah o Akáyahay kelisáyán shawr kort ke pa Urshalimay nézgárén palgártagénán máli komaké ráh bedayant. ²⁷ É áyáni wati jenday shawr at. Á pa rásti Yahudiáni wámdár ant, chiá ke wahdé darkawm gón Yahudiáni ruhi barkatán sharikdár butagant, á ham wámdár ant ke gón wati máli hastiá, Yahudiáni hezmatá bekanant. ²⁸ Wahdé é káron sarjam kort o deljam bután ke é théki pa áyán sar butag, dém pa Espániáyá sara gerán o hamé saparay ráhá shomárá gendán. ²⁹ Mana zánán ke wahdé shomay kerrá byáyán, gón Masihay sarjamén barkatána káyán.

³⁰ Oo brátán! Pa may Hodáwand Issá Masihá o pa Pákén Ruhay mehrá cha shomá dazbandia kanán ke Hodáy dargáhá pa man dwá bekanét o gón wati dwáyán mani johdán hamráh bebét.

³¹ Dwá kanét ke cha Yahudiahay nábáwaráni dastá berakkán o Urshalimay shahrá, palgártagén mardom mani hezmatá bemannant, ³² tán gón Hodáy wáhag o razáyá pa shádehi shomay kerrá byáyán o gón shomay gend o nendá nökén wák o twáné begerán. ³³ Sohl o émeniay Hodá shomá sajjahénáni hamráh bát. Anchosh bát. Ámin.

^a **15:12** Eshayá Nabiay Ketáb 11:1.

^b **15:19** Ilirikum maróchigén rónendi Bálkánay damagé butag.

^c **15:21** Eshayá Nabiay Ketáb 52:15.

hamok mardom mani démá kóndhána kapit o
har zobán Hodáyá satá kant o sárhit'. "^a

¹² Gorghá cha má har yakkéá Hodáy démá wati hesáb dayagi ent.

¹³ Byáét cha ed o rand yakdomiay hokmá maborréni. Eshiy badalá, wati delá shawr bekanét ke á dega brátáni pádráhá lakoshánkén dhók ér makanét o band mabandét. ¹⁴ Man, cha Hodáwandén Issáy némagá saddak án ke hech waráké watáwat palit naent, bale agan kasé chizzéá pa wat palit bezánt pa áiá palit ent. ¹⁵ Agan gón tai warákéay waragá tai brát delranja bit, gorghá cha ed o rand mehray tahá gám najanagá ay. Pa wati waráká áiá tabáh makan ke Masih pa hamáiá mort.

¹⁶ Maylét mardom á chizzáni bárawá badén habar bekanant ke shomá áyán néka zánét. ¹⁷ Chiá ke Hodáy bádsháhi pa warag o noshag naent, áiay bádsháhi, palgári o sohl o shádehi ent ke cha Pákén Ruhá rasít. ¹⁸ Harkas hamé paymá Masihay hezmatá bekant, Hodáyá washnóda kant o mardom ham áiá mannant.

¹⁹ Gorghá byáét modám hamá káráni pad o randá bebén ke dém pa sohl o árámi o yakdomiay rost o rodómá barant. ²⁰ Hodáyá kárá pa waráká zawl makan. Pa rásti sajjahén warák pák ant, bale tai har hamá waráké pa taw bad ent ke degaréay thagal waragay sawabsáza bit. ²¹ Sharter ent ke cha gósh, sharáb yá dega har chizzá pahréz bekanant ke tai brátay thagal waragay sawabsáza bit.

²² É chizzáni sará wati mohréni báwará watig o Hodáy nyámá bedár, taw bezánay o Hodá. Gal pa hamáiá ke wati mannetagén chizzáni sará watá mayáriga nakant. ²³ Bale á ke warákéay sará shakk ent, agan áiá bwárt mayárig ent, chiá ke gón báwar o imáná nawártagi. Harché ke cha báwar o imáná mabit, gonáh ent.

Degaráni hayálá bebén

15 Má ke zórmánd én, báyad ent nezórén báwarmandáni kamzorián wati baddhá bezurén o bass wati jenday wasshiáni randá mabén. ² Cha má har yakké wati hamsáhegá pa áiay rost o rodómáy sharrén makásdá washnód bekant. ³ Chiá ke Masiham wati washnódiay padá naat, anchosh ke nebeshtah ent: "Tai rad o bad kanókáni rad o bad, mani sará kaptagant." ^b ⁴ Har chizzé ke pésará nebisag butag, pa may tálimá butag, tán gón Pákén Ketábay bakshetagén sabr o delbaddhiá márá omét berasisit. ⁵ Nun sabr o delbaddhiay Hodáy shomárá anchén zendé bebakshátt ke Issá Masihay paymá gón yakdomiá hamdel o hamsetk bebét, ⁶ tán shomá pa hamdeli o hamtawári Hodá, bezán may Hodáwandén Issá Masihay Petá, satá o saná bekanét. ⁷ Nun pa Hodáy shán o shawkatá, shomá yakdomiá hamá paymá wasshátk bekanét o bezurét ke Masihá shomárá zortag.

Yahudi o darkawmáni omét

⁸ Shomárá gwashán ke pa Hodáy rástiay pajiáragá, Masiyahudíáni^c hezmatkáré butag tánke hamá kawl o wádahán pakká bekant ke bonpirokán dayag butagatant o ⁹ tánke darkawm, Hodáyá pa áiay rahmatán satá o saná bekanant. Anchosh ke nebisag butag:

"Paméshká tará kawmáni nyámá satá kanán o
tai námá názénán." ^d

¹⁰ Padá gwashag butag:

"Oo darkawmán! Gón áiay kawmá shádehi kanét." ^e

¹¹ Démterá:

"Oo sajjahén kawmán! Hodáwandá benázénét." ^f

¹² Eshayá nabi ham gwashit:

^a 14:11 Eshayá Nabiay Ketáb 45:23. ^b 15:3 Zabur 69:9. ^c 15:8 Asligén Yunáni nebeshtánka gwashit: "sonnat körtegnéni". ^d 15:9 Samuil Dádgaray Domi Ketáb 22:50; Zabur 18:49. ^e 15:10 Sharyatay Domi Rahband 32:43. ^f 15:11 Zabur 117:1.

Pulosay kágad pa Rumián

Drud

1 Cha Issá Masihay hezmatkár, ^a Pulosay némagá ke pa kásediá gwánk janag butag o zendí pa Hodáy wasshén mestágá wapk^b ent, ² hamá wasshén mestág ke Hodáyá pésará wati nabiáni wasilahá, Pákén Ketábáni tahá wádah dáttagat. ³⁻⁴ É mestág áiay Chokk bezán may Hodáwandén Issá Masihay bárawá ent ke jesmi hesábá, Dáuday poshtpad o óbádag ent. Wahdé cha mordagáni nyámá jáhi jat, Pákén Ruhay wák o kodratay sawabá Hodáy zórmándén Chokk zánag o jár janag but. ⁵ Márá cha áiay némagá é rahmat o kásediay kár rasetag ke pa hamáiay námaygi, sajjahén darkawmáni nyámá anchén parmánbardárié byáren ke cha imáná kayt. ⁶ Gón áyán shomá ham hór ét, shomá ke gwánk janag butagé ke Issá Masihay bebét.

⁷ Pa Rumay hamá sajjahén mardomán ke Hodáyá dóst ant o gwánk janag butagant ke pák o palgár bebant.

Cha may Hodáén Pet o Hodáwandén Issá Masihá pa shomá rahmat o émeni sar bát.

Pa Rumay sapará Pulosay lóth o wáhag

⁸ Har chizzá pésar, cha Issá Masihay ráhá pa shomá sajjahénán wati Hodáy shográ gerán, chiá ke shomay imánay tawár sajjahén donyáyá sheng butag. ⁹ Hamá Hodá ke man pa jár o del, gón áiay Chokkay wasshén mestágay sar kanagá áiay hezmatá kanán, wat sháhed ent ke wati dwáyáni tahá modám shomárá yáta kanán. ¹⁰ Mani dazbandi cha Hodáyá esh ent ke godhsará, gón hamáiay razáyá shomay kerrá rasagá kámyáb bebán, ¹¹ chiá ke shomárá gendaga lóthán, tán pa shomá ruhánién thékié berasénán ke shomárá mohr o mohkam bekant, ¹² bezán ke márá cha yakdomiay báwar o imáná delbaddhi berasisit, cha manig o shomay imáná.

¹³ Oo brátán!^c Lóthán shomá bezánét báz randá wati delá shawron kortag shomay kerrá byáyán bale har randá yak na yak mosheléá maná dáshtag. Mani wáhag at shomay nyámá bar o samaré bekattahán, hamá paymá ke cha á dega darkawmán katthettag. ¹⁴ Man, watá Yunáni o Barbar, ^d dáná o nádánáni zemmahwára zánán. ¹⁵ Paméshká, mani del báza lóthít shomárá ham ke Rumá nendók ét, mestág o bashárat bedayán. ¹⁶ Parchá ke cha Issáy wasshén mestágá pashal o sharmendag naán, é pa har hamá kasay rakkénagá Hodáy zór o twán ent ke báwara kant, awalá pa Yahudián o randá pa darkawmán. ¹⁷ Chiá ke Issáy wasshén mestágay tahá hamá páki o palgári paddara bit ke cha Hodáy némagá ent, hamá páki o palgári ke cha azal tán abad imánay sará óshtátag, anchosh ke nebisag butag: "Hamá ke cha imánay ráhá pák o palgár ent, zendaga mánit". ^e

Pa gonahkárán Hodáy kahr

¹⁸ Hodáy kahr o gazab cha ásmáná záhera bit o mardománi sajjahén békodái o badkáriáni sará kapit, ke gón wati radkárián, rástiay ráhá lagatmála kanant. ¹⁹ Parchá ke á chizz ke Hodáy bárawá zánaga bit, pa áyán záher ent. Hodáyá á chizz pa áyán tachk o záher kortag. ²⁰ Cha donyáy jórénagá beger tán annun Hodáy chér o andémén jawhar, bezán áiay abadmánén zór o Hodái sareshf^f cha áiay jórénagé chizzán gendag o zánaga bit, nun mardomán námah o nimmóné nést. ²¹ Harchont ke Hodáeshá zánt, bale Hodái ezzatesha nadát o shogresha nagept. Eshiy badalá, wati

^a 1:1 Asligén Yunáni nebeshtánka gwashit: "golám". ^b 1:1 Wapk, bezán chizzé ke nadra bit. ^c 1:13 "Brátay" máná har báwarmand ent, mardén o janén. ^d 1:14 Barbar pa á kawmán ke Yunáni zobán nazántesh, Yunáni gálé. ^e 1:17 Yá: "Pák o pahrézkár imánay sará zenda gwázénit." Habakuk Nabiay Ketáb 2:4. ^f 1:20 Saresht, bezán báten, fetrat, jawhar.

náhudagén pegr o hayáláni tahá gomráh butant o áyáni násarpadén del taháriá póshet.²² Harchont ke watá dáná gwashtesh bale hódh o ahmak butant.²³ Namiránén Hodáay shán o shawkatesh gón hamá botán sawdá kort ke hákién ensán, báli morg, chárpadén haywán o már o gójáni rang o dróshomá^a atant.²⁴ Paméshká Hodáyá á, áyáni delay sell o badén wáhagáni tahá yalah kortant tán gón nápákiá wati jesmán watomáwtá sobakk o bérzesh bekanant.²⁵ Áyán Hodáay hakk o rásti gón drógá sawdá kort o addh kanókén Hodáay badalá, addh kortagénáni parastesh o hezmatesha kort, hamá addh kanók ke tán abad satá o saná karzit. Anchosh ent, Ámin.

²⁶ Paméshká Hodáyá ham á, áyáni sharmnákén hawá o hawasáni tahá yalah kortant. Áyáni janénán wati wapt o wábay aslén ráh yalah dát o náráhén keshká shotant.²⁷ Hamé paymá, mardénán gón wati janénán ráh o rahbandén nazziki yalah dát o watomáwtá hawá o hawasáni ásá kaptant, mardénán gón mardénán sharmnákén kára kort o é badráhiáni allamén sezáesh jendá raset.²⁸ Áyán Hodáppajjári porarzesh o allamén káré nazánt o Hodáyá ham á, bénangéni pegr o hayáláni tahá yalah kortant tán náráhén káráni tahá bekapant.²⁹ Á cha har paymén badkári, gandahi, tamah o badén hayálán porr o sarréch butagant, cha hasadd o konnat, hón o kósh, jang o jadál, mandr o préb o badwáhiá porr, mardománi báposhtá habar kanók,³⁰ bohtám janók, hodábézár, béadab, gorunák, bathák janók, badkerdiay jorhénók, pet o mátay náparmán,³¹ ahmak, bélwápá, béehsás o bérähm ant.³² Harchont á cha Hodáay hokmá sahig ant ke choshén káráni kanók markay láhek ant, bale angat na tahná wat á kárána kanant, degaráni ham choshén káráni poshta bant.

Hodáay ádelén dádrasi

2 Paméshká taw, harkas ke bebay, wahdé degarán mayáriga kanay, tará ham ozré nést. Chiá ke gón degaréay mayárig kanagá, watá mayáriga kanay. Parchá ke taw wat hamá kárána kanay.
² Má zánén Hodáay dádrasib^b áyáni sará barhakk ent ke é paymén kára kanant.³ Taw, harkas bebay, wahdé degarán éra janay bale wat hamá kárána kanay, tai hayálá cha Hodáay dádrasiá rakkay?
⁴ Yá ke áiyá mehrabáni o sabr o tahambolay ganjá bérzesha zánay o é chizzá sarpada nabay ke Hodáay mehrabániay maksad hamesh ent ke tará dém pa pashómániy bebárt?⁵ Bale taw gón wati nápushómán o sengén delá, pa kahr o gazabay róchá pa wat kahr o gazab ambára kanay, hamá róchá ke Hodáay ádelén dádrasi záhera bit.

⁶ Hodá harkasay mozzá áiyá kortagén káráni hesábá dant.⁷ Hamá ke gón sabr o ópár, nékén káráni sará mohr óshtátagant o shawkat, ezzat o namirániay randá ant, áyán namiránén zenda bakshit.⁸ Bale pa watomáwtá o hamá mardomán wati kahr o gazabá gwárénit ke hakk o rástiy badalá badkáriay randgir ant.⁹ Harkas ke badén kára kant, ranj o azábáni tahá kapit, pésará Yahudi o randá Yunáni.^c¹⁰ Bale harkas ke nékia kant, shawkat, ezzat o émeniay wáhonda bit, pésará Yahudi o randá Yunáni.¹¹ Chiá ke Hodá ru o ryá^d nakant.

¹² Á ke Sharyatá nazánant o cha Sharyatá dhann gonáhesh kortag, cha Sharyatá dhann tabáh o bérána bant o á ke Sharyatá zánant o Sharyatay chérá gonáhesh kortag, áyáni dádrasi Sharyatay hesábá bit.¹³ Chiá ke tahná cha Sharyatay rahbandáni eshkongá, kas Hodáay chammá pák o palgára nabit. Hamá kas pák o palgára zánaga bit ke Sharyatay rahbandáni sará kára kant.¹⁴ Wahdé darkawm ke Sharyat pa áyán narasetag bale cha wati sarestá anchén kára kanant ke Sharyatay rahbandá ant, á wati sará wat Sharyat ant, bell ke Sharyatesh nést.¹⁵ Gón wati é kárán pésha dárant ke Sharyatay rahband áyáni delá naksh ant. Áyáni del o jabin pa eshiá gwáhia dant o pegr o hayálesh baré áyán mayárig o baré bémayára kanant.¹⁶ É hamá róchá paddara bit ke Hodá cha Issá Masihay ráhá, mardománi chér o andémén pegráni dádrasiá kant, hamá dhawlá ke mani wasshén mestága gwashit.

^a1:23 Dróshom, bezán shekl. ^b2:2 Dádrasi, bezán hakkén paysalah, hamá shawr ke cha dádgáhána kayt, dáwari.
^c2:9 Yunáni edá pa sajjahén darkawmán mesálé. ^d2:11 Ru o ryá, bezán park o dark, tarafdíri, Arabi o Pársia "tab'iz".

ke cha hokumatá sarkashia kant, Hodáay nádéntagén helápá pád átkag o harkas ke sarkashi bekant, wati sará mayárbária kárit.³ Á ke sharrén kára kanant, áyán cha hokumatá torsé nést, bale selkár cha áiá torsant. Agan lóthay cha hokumatay torsá ázát bebay, gorphá sharrén kár bekano o á tará mannit o satá kant.⁴ Pa tai shariá, hokumat Hodáay hezmatkár ent, bale agan badkária kanay, cha áiá betors chiá ke zahm mopt o bé sawab áiay dastá naent. Á Hodáay hezmatkár ent, sezá dayóké ke pa badkárán kahra kárit.⁵ Gorhá, báyad ent hokumatay chérdast bebay, tahná cha kahray torsá na, cha wati jabin o wejdáná ham.⁶ Pa hamé sawabá song o máliát ham dayét, parchá ke hákem Hodáay hezmatkár ant o wati wahdá pa hamé kárá dayant.⁷ Harkasay hakká báyad ent bedayét. Agan song o máliátó per ent, báyad ent bedayét, agan rasad^a per ent, gorhá rasadá bedayét. Agan ezzat ent, ezzat bekanét o agan sharap ent, sharap.

Pa yakdomiá mehr

⁸ Hechkasay dayn shomará per mabit. Shomay daynkári tahná gón yakdegará mehr kanag ent; chiá ke harkas gón domigá mehra kant, áiá Sharyat barjáh dáshtag.⁹ Parchá ke "zená makan", "hón makan", "dozzi makan", "tamah makan"^b o á dega hokm gón hamé habará gwandh geraga bant: "Gón wati hamsáhegá wati jenday paymá mehr bekan."^c¹⁰ Mehr gón hamsáhegá badia nakant. Paméshká mehr kanag, Sharyatay sarjami ent.

¹¹ Anchosh ham, shomá annugén wahdá zánét ke nun á sáhat átkag ke cha wábá pád byáét o hozzhár bebét. Chiá ke nun may rakkag cha á wahday hesábá nazzikter ent ke má awalá báwarmand butagatén.¹² Shap, dém pa halásia ent o róch nazzik. Nun byáét tahárókiay kár o kerdán yalah kanén o rozhnáiay zerahá^d bepóshén.¹³ Byáét sharapdárén zendé begwázénén, hamá zend ke róchay rozhnáiay gwázénaga bit, choshén zendé magwázénén ke pa ayyáshi, hanósh o malár, waylánki, landhari, pasát o hasadd bebit.¹⁴ Esháni badalá, Hodáwand Issá Masihá wati póshták bekanét o wati gonahkárén saresthay wáhagáni sarjam kanagay pad o randá mabét.

Nezórén báwarmand

14 Nezórén báwarmandá wasshátk kanét o bezurét o nagisshetagén habaráni sará gón áiá nezór ent tahná sabzia wárt.³ Á ke har chizza wárt, domiá pa áiyá pahréz kanagá kamarzesz mazánt o á ke pahréza kant, á degaray sará ke har waráka wárt hokm maborrit, chiá ke Hodáyá, á wasshátk kortag o zortag.⁴ Taw kay ay ke degaréay hezmatkáray sará hokm beborray? Á wati jenday hodábonday péshtahá óshtit yá kapit. Bale bezán ke óshtit, chiá ke Hodáwandá é wák hast ke áiá bedárit.

⁵ Kasé yak róchéá cha degaréay delá sajjahén róch yakk ant. Harkas wati delay hayáláni sará saddak bebit.⁶ Á kas ke yak róchéá hásén róché zánt, pa Hodáwandaygi chosha kant. Á kas ke wárt ham pa Hodáwandaygi wárt, parchá ke Hodáy shográ gipt o á kas ke cha warágá pahréza kant, pa Hodáwandaygi chosha kant o Hodáy shográ gipt.⁷ Cha má hechkas pa watigi zendag naent o kass pa watigia namerit.⁸ Agan zendag én pa Hodáwandá zendag én o agan bemerén pa Hodáwandá merén. Gorhá zendag bebén yá bemerén, Hodáwandayg én.⁹ Masih paméshká mort o padá zendag but ke mordagáni ham Hodáwand bebit o zendagénáni ham.

¹⁰ Nun taw chiá wati brátá éra janay? Pa ché áiá kamarzesha zánay? Chiá ke hesábay róchá má sajjahén Hodáay bárgáhá óshtén.¹¹ Parchá ke nebisag butag:

"Hodáwanda gwashit: 'Anchosh ke man zendag án,
é habar ham rást ent,

^a13:7 Rasad, bezán cha dhagáráni bar o samarán yak bahré. ^b13:9 Dargwaz 20:13-15, 17; Sharyatay Domi Rahband 5:17-19, 21. ^c13:9 Sharyatay Domi Rahband 19:18. ^d13:12 Zerah, bezán zahmjanáni ásenén póshták.

³⁶ Chiá ke har chizz cha hamáiay némagá ent o cha áiay sawabá o pa hamáiá ent. Tán abad shán o shawkat hamáiá sar bát. Anchosh bát. Ámin.

Zendagén korbánig

12 Oo brátán! Mani dazbandi gón shomá esh ent ke gón Hodáay rahmatáni chárágá, wati jesm o jáná chó zendagén korbánigéá pésch bekanét ke pák o palgár ent o Hodáay pasonda bit. É shomay ruhánién parastesh ent.² Gón é donyáyá hamrang o hamdróshom mabét, cha wati pegr o pahmay nól kanagay ráhá badal bebét, tán shomá bezánét o gisshént bekanét ke Hodáay wáhag chi ent, kojám chizz sharr, kámel o Hodáay pasond ent.

³ Gón hamá rahmatá ke maná bakshag butag shomá sajjahénána gwashán, haminchok ke hastét watá borzter mazánét. Wati báráwá pa sharri o rásti shawr beborréti o watá barábar gón haminchok báwará kesás bekanét ke Hodáay pa shomá gisshéntag.⁴ Hamá dábá ke may yakkén jáná, bázén band o bóg hast o sajjahén band o bógáni kár yakké naent,⁵ má ke báz én, Masihay arwáh o jabiná yakkén jesm o ján én o cha má har yakké, yakdomiy band o bóg ent.⁶ Barábar gón é mehr o rahmatá ke márá dayag butag, tahr tahrén Hodái dádání wáhond én. Agan kaséá paygambariay théki rasetag, áiá barábar gón wati báwará kár bebandit,⁷ agan hezmat kanag ent hezmat bekant, agan tálím dayag ent tálím bedant,⁸ agan delbaddhi dayag ent delbaddhi bedant, agan degaráni zaluratáni purah kanag ent gón daspachi komak bekant, agan péschwái o saróki ent gón sharrén delgóshdári o johdéá saróki bekant, agan mehr o rahm ent gón wasshén delé mehr o rahm bekant.

Mehr

⁹ Shomay mehr báyad ent zagr^a o pa del bebit, cha badiá naprat bekanét o gón sharri o nékiá belacchét.¹⁰ Gón bráti mehré, yakdegará dóst bedárét, pa sharap o ezzat kanagá cha yakdomiá démáter bebét.¹¹ Hech káray tahá sosti makanét, wati ruhá porjósht bebét, Hodáwanday hezmatá bekanét.¹² Pa ométwári gal o shádehi bekanét, sakkiáni tahá sabr o ópár pésch bedárét o wati dwáyán mohr bóshté.¹³ Hodáay palgártágén mardománi hajatán purah kanagá sharikdár bebét o wati lögay darwázagá pa darámadáni mehmándáriá pach bekanét.

¹⁴ Agan kasé shomárá ázár berasénit pa áiá barkat belóthét, barkat belóthét o nálat makanét.¹⁵ Agan kasé shádehia kant gón áiá shádehi bekanét o agan kasé gréti gón áiá begréwét.¹⁶ Gón yakdomiá pa hamdeli o hamsetki zend begwázénét. Pahr o shán makanét, gón kamterénán hamráh bebét o watá báz aglmand mazánét.¹⁷ Gón kassá badiay badalá badi makanét. Gón hamá kárán delgósh bebét ke harkasay chammán sharr ant.¹⁸ Tán hamá haddá ke shomay dastá bit, gón harkasá pa sohl o árámi zend begwázénét.¹⁹ Oo dordánagán! Hechbar bérígí makanét, kahrá pa Hodáay bellét. Chiá ke nebeshtah ent: "Hodáwanda gwashit: 'Béray gerag mani kár ent, sezá dayók man án.'"^{b20} Eshiy badalá:

"Agan tai dozhmen shodig ent, waráki beday,
agan tonníg ent, ápi beday,
ke gón wati é kárá, áiay sará rókén jal o eshkar moccha kanay."^c^d

²¹ Mayl badi tai sará sardast bebit, gón nékiá badiay sará sardast bebab.

Hokumatay parmánbardári

13 Harkas watá hokumatay chérdast bemannit, parchá ke cha Hodáay nádéntagéná abéd, hech wák o ehtiáre nést o har wák o kodraté ke hast, Hodáay nádéntag.² Paméshká, harkas

^a 12:9 Zagr, bezán háles. ^b 12:19 Sharyatay Domi Rahband 32:35. ^c 12:20 Áiay sará rókén jal o eshkar moccha kanay, bezán áiá pashal o sharmendaga kanay. ^d 12:20 Solaymánay Bataláni Ketáb 25:21-22.

Yahudi o Hodáay Sharyat

¹⁷ Bale agan taw watá Yahudié zánay o Sharyatay sará tawkala kanay, agan gón Hodáyá wati nazzikiay sará pahra banday,¹⁸ agan cha Sharyatá tálím geragay sawabá Hodáay wáhagá zánay o gehteréná pajjáha káray,¹⁹ agan deljam ay ke kóráni rahshón ay o pa áyán nuré ay ke tahárókiá ant,²⁰ agan hamá Sharyatay sawabá ke zánt o rástiay jawhar ent jáheláni tálím dayók o kódakáni ostád ay,²¹ agan taw degarán tálima dayay, gorhá chiá wati jendá tálima nadayay? Taw ke dozziat helápá jára janay, bárén wat dozzia nakanay?²² Taw ke zenáyá makan o manaha kanay, bárén wat zená nakanay? Tará ke cha botán naprat ent, bárén wat botáni parasteshgáhána napolay?²³ Taw ke Sharyatay sará pahra banday, bárén gón Sharyatay próshagá Hodáay béezzatiá nakanay?²⁴ Hamá paymá ke nebeshtah ent: "Shomay sawabá darkawm Hodáay námá béezzata kanant."^a

²⁵ Borrok o sonnatá hamá wahdá arzesh hast ke Sharyatá barján bedáray bale agan Sharyatá bepróshay gorhá bezán sonnat kanag nabutagay.²⁶ Agan á ke sonnat kanag nabutag bale Sharyatay rahbandán purah bekant, sonnat butagén hesába nabit?²⁷ Á ke jesmi sonnat kanag nabutag bale Sharyatay sará kára kant tará mayáriga kant. Bell ke tará nebeshtagén Sharyat o sonnat kanagay rasm hast, bale taw angat Sharyatá próshay.²⁸ Chiá ke Yahudi á naent ke sarzáherá Yahudi ent o anchosh ham rástén sonnat bayag, sarzáheri chizzé naent.²⁹ Yahudi hamá ent ke pa del Yahudi bebit o rástén sonnat delay tahá bit, cha Hodáay Ruhá bit, cha nebeshtagén labzá nabit. Choshén mardomá cha ensáná satá narasit, cha Hodáyá rasit.

Hodáay wapádári

3 Gorhá Yahudi bayagay páedag chi ent o sonnatay arzesh ché buta kant?² Har paymá ke bechárén, esháni páedag báz ent. Awali gapp esh ent ke Hodáyá wati habar Yahudiáni sepor dah kortag.³ Bale agan cha áyán lahtén wapádár nabut, gorhá ché bit? Áyán békawápi Hodáay wapádáriá halás o nákára kant?⁴ Hechbar! Bell ke sajjahén mardom drógband bebant, Hodá rástgó ent! Hamá paymá ke nebisag butag:

"Paméshká, taw ke habara kanay barhakk ay o
dádrasíay wahdá kámyáb."^b

⁵ Bale agan may badkári Hodáay páki o palgáriá paddara kant, gorhá ché begwashén? Hodá náensáp ent ke áiay kahr o gazab may sará kapit? (Nun man ensáni habar kanagá án.)⁶ Hechbar chosh naent. Agan chosh butén gorhá Hodáyá che paymá donyáy dádrasi korta kort?⁷ Balkén kasé begwashit: "Agan gón mani drágá Hodáy rásti géshter záher o paddara bit o áiay shán o shawkat master, gorhá chiá man angat pa gonakháriá mayárig kanaga bán?"⁸ Chiá magwashén: "Byáét badi kanén tán bar o samari néki bebit?" Hamá paymá ke lahtén mardom márá bohtáma jant o gwashit ke má chosh gwashagá én. Áyán hakk ent ke mayárig kanag bebant.

Kass pahrézkár naent

⁹ Gorhá ché begwashén? May, Yahudiáni hál cha á degarán gehter ent? Na, hech paymá gehter naent! Chiá ke má é habar paddar o pakká kortag ke sajjahén mardom, Yahudi o Yunáni, gonáhay bandig ant.¹⁰ Anchosh ke nebeshtah ent:

"Kass pahrézkár naent, hechkas.

¹¹ Kass sarpada nabit, hechkas Hodáy shóházá naent.

¹² Sajjahénán wati dém tarréntag o

hóriá náhudag butagant,

kass nékén kár kanagá naent, hechkas.^c

^a 2:24 Eshiyá Nabiay Ketáb 52:5 o Hezekiál Nabiay Ketáb 36:22. ^b 3:4 Zabur 51:4. ^c 3:12 Zabur 14:1-3; 53:1-3.

¹³ Gotth o galuesh práhén kabré,
zobáná pa makr o prébá kára bandant,^a
garmráy zahresh lonthání chérá ent o^b
¹⁴ dapesh cha baddwái o jawr o kocchalá porr ant^c
¹⁵ pa hónay réchagá eshtápa kanant,
¹⁶ har jáh ke rawant, béráni o bazzagia kárant,
¹⁷ sohl o émeniy ráhesh nazántag o^d
¹⁸ áyáni chammán Hodátori nést.”

¹⁹ Nuna zánén, Sharyat har ché ke gwashit pa hamá mardomán ent ke Sharyatay sáhegá ant, tán sajjahén dap band bebant o sarjamén donyá Hodáay bárgáhá mayárig bebit. ²⁰ Parchá ke hechkas cha Sharyatay kár bandagá Hodáay démá pahrézkár zánaga nabit, chiá ke Sharyat mardomá sarpada kant ke gonáh chié.

Cha báwarmandiay ráhá, páki o palgári

²¹ Bale nun cha Sharyatá dhann, Hodáay bakshetagén páki o palgári záher butag ke Sharyat o nabián pa áiá gwáhi dátág. ²² Issá Masihay sará báwarmandi, é pákiay bakshesh o thékiá pa sajjahén báwarmandána rasenít o pa kassá hech park o pére ellaga nabit. ²³ Parchá ke sajjahénán gonáh kortag o cha Hodáay shán o shawkatá dur ant, ²⁴ bale gón Hodáay rahmatay thékiá o hamá rakkénagá ke cha Issá Masihay némagá ent, páki o palgár zánaga bant. ²⁵ Hodáyá á pésh kort tán cha báwaray ráhá gón wati hóná hamá korbánig bebit ke gonáhána bakshit. É kári pa wati adlay pésh dáragá kort, parchá ke gón wati Hodái ópáráe cha pésarígen gonáhán sar gwastagat. ²⁶ Hodáyá paméshká chosh kort tán maróchigén wahdá pésh bedárit ke á, ádel ent o hamá kasá páki o palgára kant ke Issáy sará báwarmanda bit.

²⁷ Gorhá che chizzay sará pahr bebandén? Pa pahrá jágahé nést. Kojám ráh o rahbanday sará eshiá zánén? Nékén kár o kerday rahbanday sará? Na, báwar o imánay rahbanday sará. ²⁸ Chiá ke may báwar esh ent ke ensán cha báwarmandiá páki o palgár zánaga bit, cha Sharyatay kárani kanagá na. ²⁹ Hodá éwaká Yahudiáni Hodá ent? Darkawmáni Hodá naent? Albat, á darkawmáni ham Hodá ent, ³⁰ parchá ke Hodá wa yakké o sonnat kortagén o sonnat nakortagénán, cha yakkén imán o báwaray ráhá páki o palgára kant. ³¹ Gorhá cha báwaray ráhá má Sharyatá próshén o harába kanén? Hechbar! Má Sharyatá mohrera kanén.

Ebráhémay mesál

4 Gorhá ché begwashén, Ebráhém ke jesmi hesábá may bonpirok ent, áiá ché katthet? ² Agan Ebráhém cha wati kár o kerday páki o palgár zánag butén, áiá chizzé hastat ke áiay sará pahr bekant, bale Hodáay chammá chosh naent. ³ Pákén Ketáb ché gwashit? *Ebráhémá Hodáay sará báwar kort o hamé báwar pa áiá, páki o palgárié hesáb but.*^f ⁴ Nun kasé ke kára kant, áiay mozz, tohpah o thékié hesába nabit, áiay hakk ent. ⁵ Bale á ke nékén kárani sará tawkala nakant, hamá Hodáay sará tawkala kant ke radkár o béhodáyán páki o palgára kant, áiay báwar pa áiá páki o palgári hesába bit. ⁶ Hamé paymá Dáud ham hamá mardomay bahtáwariay habará kant ke Hodá cha áiay kár o kerday dhann áiá páki o palgár hesába kant o gwashit:

⁷ “Bahtáwar ant hamá ke Hodá cha áyáni násharián sar gwastag o
gonáhesh bakshag butagant.

⁸ Bahtáwar ent hamá ke Hodáwánd áiay gonáhá hechbar hesábá mayárit.”^g

^a 3:13 Zabur 5:9. ^b 3:13 Zabur 140:3. ^c 3:14 Zabur 10:7. ^d 3:17 Eshayá Nabiay Ketáb 59:7-8. ^e 3:25 Ópár, bezán sabr, tahambol, bardásht. ^f 4:3 Pédáesh 15:6. ^g 4:8 Zabur 32:1-2.

¹³ Oo darkawmán! Annun gón shomá habara kanán. Nun ke mani kásedi gón darkawmán ent, wati hezmatá porarzesha zánán, ¹⁴ pa é ométá ke wati jenday mardomán hasaddig bekanán o é paymá cha áyán lahténá berakkénán. ¹⁵ Chiá ke, agan áyáni dawr dayag jahánay sohl o wassháni ent, gorhá áyáni zurag cha mordagán zendag bayagá abéd, ché buta kant? ¹⁶ Agan homiray hamá chánag páki bebit ke awali bar o samar ent, gorhá bezán tarunay sajjahén nagan ham páki ant, agan risshag páki bebit thál ham páki ant.

¹⁷ Agan drachkay lahtén thál próshag o sendag butag o taw ke jangali zaytunay thálé ay, á dega tháláni nyámá gón drachká paywand janag butagay o nun zaytunay risshagay porzórén shiragá sharikdár ay, ¹⁸ á tháláni poshtá pahr maband. Agan chosha kanay, mashamósh ke taw risshag nadáshtag, é risshag ent ke tará dáshtagi. ¹⁹ Nun balkén begwashay: “Á thál próshag o sendag butant tán man paywand janag bebán.” ²⁰ Rást ent. Á thál sendag butant ke nábáwar atant, bale taw cha báwará óshtátag o mohr ay. Gorunák mabay o pa tors zend begwázén. ²¹ Chiá ke agan Hodáyá drachkay asligén tháláni ópár nakort, tai ópárá ham nakant. ²² Nun Hodáy mehrabáni o trondiá bechár, trondi pa hamáyán ent ke kaptagant o mehrabáni pa taw ent, agan áiay mehrabáni sáhegá bemánay. Agan na, taw ham goddhaga bay. ²³ Á ham, agan wati békawariay sará mamánant, paywand janaga bant, chiá ke Hodáyá áyáni padá paywand janagay wák o twán hast. ²⁴ Taw cha hamá zaytunay drachká goddhag butagay ke wati zátá jangali ent o wati zátay helápá gón keshtagén zaytuná paywand janag butagay. Gorhá hamá ke é zaytunay asligén thál ant, che paymá pa arzáni gón wati jenday drachká padá paywand janag buta nakanant?

Esráilay rakkénag

²⁵ Oo brátán! Chó mabit watá cha wati kadd o kesásá master bezánét. Paméshká nalóthán cha é rázá násrapad bebét ke Esráilay yak bahréay sará sakdeli tán hamá wahdá átkag ke darkawm sarjamiá byáyant gón. ²⁶ É paymá, nun sajjahén Esráila rakkit, hamá dhawlá ke nebeshtah ent:

“Rakkénók cha Sahyuná kayt o
gomráhiá cha Ákubay padréchá dura kant.”

²⁷ “Gón áyáni mani ahd o paymán hamesha bit,
wahdé áyáni gonáhán dura kanán.”^a

²⁸ Bani Esráili wasshén mestágay hesábá, pa shomaygi Hodáay dozhmen ant bale gechénkáriay hesábá, á pa wati bonpirokáni háterá Hodáay dóst ant. ²⁹ Chiá ke Hodá wati thékiá pacha nagipt o wati gwánká pera natarrénit. ³⁰ Hamá paymá ke yak wahdé shomá Hodáay náparmán atét bale cha Esráiliáni náparmániá, Hodáay mehr o rahmat shomárá raset, ³¹ nun á náparmán butagant tánke cha hamá rahmatá ke shomárá rasetag, áyán ham rahmat berasit. ³² Chiá ke Hodáyá sajjahén mardom náparmániay bandig kortagant tánke sajjahénáni sará rahm bekant.

Hodáay hekmat

³³ Pokkó, Hodáay ganj o hekmat o zántay johlánki chinchok báz ent!

Aiay shawr o saláh cha zánag o dar géjagá dur ant o
ráhi cha shoházá dhann!

³⁴ “Kayá Hodáwánday pegr zántag o
kay diay sar o sój dayók butaq?”^b

³⁵ “Kayá áiárá chizzé dátág
ke badalá chizzé begipt?”^c

^a 11:27 Eshayá Nabiay Ketáb 59:20-21; 27:9; Eremiá Nabiay Ketáb 31:33-34. ^b 11:34 Eshayá Nabiay Ketáb 40:13.
^c 11:35 Ayyubay Ketáb 41:11.

^b 11:34 Eshayá Nabiay Ketáb 40:13.

járá majant? ¹⁵ O chón jár bejanant agan rawán dayag nabutagant? Anchosh ke nebeshtah ent: “Washkadam ant á mardom ke wasshén mestága kárant.”^a

¹⁶ Bale bázéná é wasshén mestág namannetag, chiá ke Eshayá nabiay gwashit: “Oo Hodáwand! May paygámay sará kayá báwar kort?”^b ¹⁷ Gorhá bezán ke báwar, cha paygámay gósh dáragá kayt o paygámay gósh dárag, cha Masihay mestágay jár janagá.

¹⁸ Bale nun josta kanán: “Áyán naeshkotag?” Allam eshkotagesh, parchá ke:

“Áyáni tawár sajjahén donyáyá shotag o
áyáni habar jahánay goddhí marz o simsárán sar butagant.”^c

¹⁹ Padá josta kanán: “Esráil sarpad nabutag?” Awalá, Mussá cha Hodáay kawlá gwashit:

“Man shomárá hamá mardománi hasaddiga kanán ke kawmé naant;
shomárá góñ násrapadén kawmé hezhmnáka kanán.”^d

²⁰ Gorhá, Eshayá nabi pa deléri o tamardi cha Hodáay kawlá gwashit:

“Maná hamáyán dar gétk ke mani shóházá naatant,
man watá pa hamáyán paddar kort ke mani jost o porsá naatant.”^e

²¹ Bale Esráilay bárawá gwashit:

“Sajjahén róchá man wati dast,
dém pa náparmán o barhelápén kawmá dráj kortag.”^f

Hodáyá wati kawm yalah nakortag

11 Nun josta kanán, Hodáyá wati kawm dawr dáttag o yalah kortag? Hechbar! Chiá ke man wat ham Esráilié án, cha Ebráhémay nasl o padréchá án o Benyáminay kabilahá. ² Hodáyá wati kawm ke cha pésará zántag, dawr nadáttag. Nazánét Pákén Ketáb Elyás nabiay bárawá ché gwashit? Á, che paymá Esráilay helápá Hodáay kerrá dazbandia kant? ³ Gwashit: “Oo Hodáwand! Eshán tai nabi koshtagant o tai korbánjáh wayrán kortagant. Pasht kaptagén tahná man án o nun mani koshagay randá ant.”^g ⁴ Bale Hodáay passaw pa áiá ché at? “Man pa wat hapt hazár mardom gisshéntag ke Baalay^hdémá kóndhán nakaptagant.”ⁱ ⁵ Hamé paymá, maróchi ham lahtén choshén pasht kaptag ke cha rahmatay ráhá gechén kanag butagant. ⁶ Agan gechén cha rahmatay ráhá ent, gorhá cha ed o rand cha kár o kerdá naent, agan cha kár o kerdá butén, gorhá cha ed o rand rahmat, rahmat nabutagat.

⁷ Gorhá ché? Á chizz ke Esráil áiay shóházá at naraseti, gechén kortagénán raset bale á degaráni del seng but. ⁸ Anchosh ke nebeshtah ent:

“Hodáyá á káhel o sostén ruhé dátant,
chammi dátant ke magendant o
góshi dátant ke maeshkonant,
tán maróchigén róchá.”^j

⁹ Dáudá ham gwashtag:

“Áyáni parzónag^kpa áyán dám o talké bát,
thagal dayókén seng o sezá o azábé bát,
¹⁰ chammesh tahár bátant tán magendant o
srénesh tán abad komp o chóth bát.”^l

¹¹ Gorhá josta kanán, áyán anchosh thagal wártag ke bekapant o padá pád átk makanant?

Hechbar! Áyáni thagal waragay sawabá rakkag pa darkawmán átkag tán Esráiliáni hasadd pád byayt. ¹² Agan áyáni thagal warag pa donyáyá barkat but o áyáni prósh o tawán pa darkawmán ganjé, gorhá áyáni sarjamén hór bayag chónén mazanén barkaté kárit.

^a 10:15 Eshayá Nabiay Ketáb 52:7. ^b 10:16 Eshayá Nabiay Ketáb 53:1. ^c 10:18 Zabur 19:4. ^d 10:19 Sharyatay Domi Rahband 32:21. ^e 10:20 Eshayá Nabiay Ketáb 65:1. ^f 10:21 Eshayá Nabiay Ketáb 65:2. ^g 11:3 Bádhsháháni Awali Ketáb 19:10, 14. ^h 11:4 Baal, bezán darkawmání yak boté. ⁱ 11:4 Bádhsháháni Awali Ketáb 19:18. ^j 11:8 Sharyatay Domi Rahband 29:4; Eshayá Nabiay Ketáb 29:10. ^k 11:9 Parzónag, bezán soprah. ^l 11:10 Zabur 69:22-23.

⁹ É bahtáwari tahná pa hamáyán ent ke sonnat kanag butagant? Yá pa áyán ent ham ke sonnat kanag nabutagant? Má gwashén ke Ebráhémay báwar, pa áiá páki o palgári hesáb but. ¹⁰ Chónén hál o jáwaréá chosh but? Sonnat bayagá pésar yá sonnat bayagá rand? Pakká ent ke sonnat bayagá pésar páki o palgár hesáb árag but, randá na. ¹¹ Bale sonnat bayagay nesháni áiá raset tán pa áiay páki o palgáriá mohr o nakshé bebit ke sonnat bayagá pésar, cha báwaray ráhá hastati. Maksad esh at ke Ebráhém hamá sajjahén mardománi pet zánag bebit ke bé sonnat bayagá imána kárant o é dhawlá á ham páki o palgár hesába bant. ¹² Hamé paymá, Ebráhém áyáni ham pet ent ke na tahná sonnat kanag butagant, imánay ráhá gám ham janagá ant, hamá ráhá ke may pet Ebráhémá cha sonnat bayagá pésar gáma jat.

Ebráhém o wádah

¹³ Ebráhém o áiay nasl o padréchá é wádah ke jahánay mirás baróka bant cha Sharyatay ráhá naraset, cha páki o palgáriay ráhá raset ke cha imáná kayt. ¹⁴ Parchá ke agan Sharyatay randgir o mannók mirás barók buténant, báwar bárezhesh o wádah bémáná at, ¹⁵ chiá ke Sharyat kahr o gazaba kárit. Bale ódá ke Sharyat néstant, Sharyat próshag ham nabit.

¹⁶ Paméshká, wádah báwaray sará óshtátag, tán wádahay bonred rahmat bebit o áiay sarjam bayag pa Ebráhémay sajjahén nasl o padréchá zamánat kanag bebit. É wádah tahná pa Sharyatay randgir o mannókán mabit, pa áyán ham bebit ke góñ Ebráhémay imáná sharikdár ant, parchá ke Ebráhém may sajjahénáni pet ent. ¹⁷ Anchosh ke nebisag butag: “Man tará bázén kawmáni pet kortag.”^a Gorhá, Hodáay chammá á may pet ent, hamá Hodá ke Ebráhémá áiay sará báwar cort, á ke mordagán zendaga kant o néstiá gwánka jant o hasta kant.

¹⁸ Wahdé hech omété néstat, Ebráhémá góñ ométwári báwar cort ke bázén kawmáy peta bit. Anchosh ke Hodáyá góñ Ebráhémá gwashtagat: “Tai poshtpad o óbádag estáráni kesásá báza bant.”^b

¹⁹ Wahdá wati bésahén jesm o jáni cháret, parchá ke Ebráhémá kamm o gésh sad sál at, yá hamá wahdá ke Sárahay santhi o béchokkii dist, á wati báwaray sará sost nabut. ²⁰ Hodáay wádahay sará, Ebráhém bébáwar nabut o shakki nakort, á wati báwaray sará mohr óshtát o Hodái shán o shawkat dát. ²¹ Saddak at ke Hodáyá é wál hast ke wati wádláhá purah bekant. ²² Paméshká cha Hodáay némagá “pák o palgár hesáb árag but”. ²³ Pákén Ketábay é labz ke “hesáb árag but” tahná pa Ebráhémá nebisag nabutag, ²⁴ pa má ham nebisag butag. Má ham cha Hodáay némagá páki o palgár hesáb áraga bén, má ke Hodáay sará báwara kanén ke áiá may Hodáwand Issá cha mordagán jáh janáént. ²⁵ Issá pa may gonáhán, markay dastá dayag but o pa may páki o palgár kanagá, cha mordagán jáh janáénag but.

Hodá o ensánay nyámá wassháni

5 Nun ke báwarmandiay sawabá páki o palgár zánag butagén, cha may Hodáwand Issá Masihay ráhá mayg o Hodáay nyámá sohl o wassháni^c barjáh dárag butag. ² Cha Issá Masihay ráhá, é rahmatay darwázag ham pa má pach kanag butag o annun rahmatáni sáhegá óshtátagén, wati é ométay sará gal o shádehi ham kanén ke Hodáay shán o shawkatá sharikdára bén. ³ Tahná eshiaj sará na, wati sakkiáni sará ham gal o shádehia kanén, chiá ke zánén sakkiay bar o samar sabr o ópár ent. ⁴ Ópár, shaksiat^d addha kant o shaksiat ométa kárit. ⁵ Omét márá delprósh bayagá naylit, chiá ke Hodáay mehr may delá ér réchag butag, cha hamá Pákén Ruhay ráhá ke márá bakshag butag. ⁶ Gisshéntagén wahdá, Masihay wati sáh pa radkár o béhodáyán dát, á wahdá ke má angat nezór o béwas atén. ⁷ Sakk kammok chosha bit ke kasé pa nék o pákén mardoméá cha wati sáhá sar begwazit, chónáhá buta kant kaséá é tahm o joriat bebit ke wati sáhá pa nékén mardoméá bedant.

^a 4:17 Pédáesh 17:5. ^b 4:18 Pédáesh 15:5. ^c 5:1 Wassháni, bezán sohl, áshti. ^d 5:4 Shaksiat, bezán kerdár, Arabi o Pársia “shakhxiat”.

⁸ Bale Hodá may sará wati mehrá chosh paddara kant: hamá wahdá Masih pa maygi mort ke má angat gonahkár atén.

⁹ Paméshká, nun ke má cha áiay hónay ráhá pák o palgár zánag butagén, angat deljamter én ke áiay sawabá cha Hodáy kahr o gazábá rakkénaga bén. ¹⁰ Agan á wahdá ke angat Hodáy dozhamen atén, cha áiay Chokkay markay ráhá gón áiá pa sohl o wassháníá rasénag butén, gorhá nun ke pa sohl o wassháníá rasetagén, sakk deljamter én ke áiay zenday sawabá rakkénaga bén. ¹¹ Bale na tahná pa haminchoká, má cha wati Hodáwand Issá Masihay ráhá Hodáy sará pahra bandén, hamá Issá ke áiay sawabá annun márá sohl o wassháníá rasetag.

Ádam o Masih

¹² Gorhá hamá paymá ke gonáh yak kaséay sawabá jaháná átk o mark cha gonáhá, hamé dhawlá mark ham sajjahén mardománi nyámá sheng o tálán but, chiá ke sajjahénán gonáh kort. ¹³ Cha Sharyatá pésar, gonáh jaháná hastat, bale agan Sharyaté mabit, gonáh ham hesába nabit. ¹⁴ Bale angat, cha Ádam beger tán Mussáyá, marká hákemi kort, tantaná^a hamáyáni sará ham ke sarkeshiesh Ádamay dhawlá naat. Ádam hamá kasay mesál at ke áyagi at.

¹⁵ Bale bakshesh o théki, náparmániay paymá naent. Agan yak kaséay náparmániay sawabá bázén mort, bale Hodáy rahmat o théki chinchok géshter, bázén mardomé sar but, é théki ke cha hamá yakkén ensánay rahmatá raset, bezán cha Issá Masihaygá. ¹⁶ É théki, á yakkén ensánay gonáhay ásaray paymá naent, chiá ke dádrasi cha yak náparmániéát o ásar o ákebatí mayábarí at, bale bakshesh o théki bázén náparmánián o randa kayt o páki o palgáriá kárit. ¹⁷ Agan yakkéay náparmániay sawabá, cha hamá yakkénay ráhá marká bádháhi kort, gorhá á mardom ke sarréchéen rahmat o palgáriay thékiay wáhonda bant, cha é yakkéná, bezán cha Issá Masihay némagá, wati zéndá báz géshter bádháhia kanant.

¹⁸ Gorhá hamá paymá ke cha yak ensánay gonáhá sajjahén mardom mayárig kanag butant, cha yak ensánay nékén kárá sajjahén mardom pák o palgár o zenday wáhonda bant. ¹⁹ Hamá paymá ke cha yakkéay náparmániá bázén mardomé gonahkár kanag but, cha yakkéay parmánbardáriá bázéné pál o palgár ham kanaga bit. ²⁰ Nun, Sharyat átk ke náparmáni géshter bebit, bale jáhé ke gonáh gésht but, rahmat ham sarréchter but, ²¹ tánke, hamá paymá ke gonáhá cha markay ráhá bádháhí kort, rahmat ham cha páki o palgáriá bádháhí bekant o cha may Hodáwand Issá Masihay ráhá márá dém pa namiránén zendá bebárt.

Cha gonáhá mark o gón Hodáyá zend

6 Gorhá ché begwashén? Gón gonáhá démá berawén tán rahmat géshter bebit? ² Hechbar! Má ke cha gonáhá sestag o mortagén, chón buta kant ke angat gonáháni tahá zend begwázénén? ³ Shomá nazánét, wahdé má sajjahén Issá Masihay námá pákshódi dayag butén, gón áiay marká may pákshódi but?

⁴ Paméshká, má cha pákshódiay ráhá mortag o gón áiá kabr kanag butagén, tán hamá paymá ke Masih cha Petay shán o shawkatá cha mordagán zendag kanag but, hamé dhawlá má ham nökén zenday tahá gám bejanén. ⁵ Agan má áiay paymén markéá gón áiá hór butagén, gorhá allam áiay paymén jáh janagéá ham gón áiá hora bén. ⁶ Má zánén ke may kwahnén hasti o zend, gón áiá salibay sará dranjag but tánke hamá jesm o ján bérán bebit ke gonáhay golám ent o má cha ed o rand gonáhay golámiá makanén. ⁷ Parchá ke á kas ke mortag cha gonáhá chotthetag. ⁸ Bale agan gón Masihá mortagén, márá báwar ent ke gón áiá zend ham gwázénén. ⁹ Má zánén, Masih ke cha mordagán jáh janáénag butag, nun hechbara namerit o mark cha ed o rand áiay sará sarzóra nabit. ¹⁰ Á, gón wati marká, yakkén randá pa modámi, pa gonáhá mort o wati annugén zendá, pa Hodáyá

^a 5:14 Tantaná, bezán hattá, tán é haddá ke.

bale cha áyán tahná yak kasánén pasht kaptagén bahré rakkit.

²⁸ Chiá ke Hodáwand zeminay sará wati shawr o hokmá pa tézi o mohkami barjáha kant.”^a

²⁹ Hamá paymá ke Eshayá nabiá péshgóyi kortag:

“Agan lashkaráni Hodáwandá pa má nasl o padréch maeshtén,
gorhá má ham Sodumay mardománi paymá butagatén o
may ásar ham Gomurahay mardománi ásar at.”^b

Esráilay nábawari

³⁰ Nun ché begwashén? Hamá darkawm ke pa páki o palgáriá johdesh nakort, páki o palgáriesh raset, hamá páki o palgári ke cha báwará kayt. ³¹ Bale Esráilián ke cha Sharyatay ráhá pa páki o palgáriá johd kort, cha Sharyatay ráhá pa páki o palgáriá narasetant. ³² Parchá chosh but? Paméshká ke áyáni johd, báwaray sará naat, kár o kerday sará at. Áyán mán gisshénókén sengay sará thagal wárt. ³³ Anchosh ke nebeshtah ent:

“Man Sahyuná sengé^céra kanán ke mardomána thagalénit,
taláré ke áyán dawra dant,
harkas ke áiay sará báwar bekant pashal o sharmendaga nabit.”^d

Cha Hodáy némagá páki

10 Oo brátán! Mani delay armán o dwá gón Hodáyá pa Esráilián hamesh ent ke á berakkant. ² Man pa áyán gwáhi dáta kanán ke á pa Hodáyá hodónák^e o porjósh ant, bale áyáni é hodónáki cha sharrén zánt o zánagéá naent. ³ Cha á páki o palgáriá násahig o násarpad atant ke cha Hodáy némagá ent o wati jenday páki o palgáriay jórhenagay johdá atant, paméshká watá á páki o palgáriay dastá nadátagesh ke cha Hodáy némagá ent. ⁴ Masih, Sharyatay sarjami o halási ent. Ásar esh ent, harkas ke báwaray hamá Labz ke páki o palgár zánaga bit.

Rakkagay ráh

⁵ Hamá páki o palgári ke cha Sharyatay kayt, áiay bárawá Müssá chosha nebisit: “Harkas ke é hokmáni sará kára kant gón esháni dáragá zendaga mánit.”^f ⁶ Bale á páki o palgári ke cha báwará kayt é dhawlá gwashit: “Wati delá magwashét ‘kay ásmáná rawt?’”,^g bezán ke Masihá jahlád byárit, ⁷ “yá ‘kay johlén kabrá éra kapit?’”,^h bezán ke Masihá cha mordagán borzád byárit. ⁸ Gorhá ché gwashit? “Labz tai nazziká ent, tai lontháni sará o tai delay tahá ent”,ⁱ bezán báwaray hamá Labz ke páki jára janén. ⁹ Agan gón dapá bemannay ke Issá Hodáwand ent o pa del báwar bekanay ke Hodáyá á cha mordagán jáh janáéntag, rakkénaga bay. ¹⁰ Chiá ke ensán pa del báwaray hamá Labz ke páki zánaga bit, gón zobáná ham mannit o é paymá rakkít. ¹¹ Chiá ke Pákén Ketába gwashit: “Harkas áiay sará báwar bekant hechbar sharmendaga nabit.”^j ¹² É bárawá Yahudi o Yunániay nyámá park o péré nést. Chiá ke hamé yakkén Hodáwand, sajjahénáni Hodáwand ent o pa hamá drostigén mardomán békesás saki^k o bakshók ent ke áiá tawára kanant. ¹³ Chiá ke “harkas Hodáwanday námá tawár bekant, rakkít.”^l

¹⁴ Nun chón yakkéá tawár bekanant ke áiay sará báwaresh nakortag? O chón yakkéay sará báwar bekanant wahdé áiay bárawá chizzé naeshkotagesh? O chón beshkonant agan kasé áyáni kerrá é

^a 9:28 Eshayá Nabiay Ketáb 10:22-23. ^b 9:29 Eshayá Nabiay Ketáb 1:9. ^c 9:33 Edá seng pa Issá Masihá esháraté. ^d 9:33 Eshayá Nabiay Ketáb 8:14; 28:16. ^e 10:2 Hodónák, bezán wáhgardar, armáni, lóthók, delmánag. ^f 10:5 Láwián 18:5. ^g 10:6 Sharyatay Domi Rahband 30:12. ^h 10:7 Sharyatay Domi Rahband 30:13. ⁱ 10:8 Sharyatay Domi Rahband 30:14. ^j 10:11 Eshayá Nabiay Ketáb 28:16. ^k 10:12 Saki, bezán bakshendah, Ordu o Pársia “sakhi”. ^l 10:13 Yuil Nabiay Ketáb 2:32.

Hodái gechén

9 Man cha Masihay arwáh o jabiná rásta gwashán o dróga nabandán, mani del o darun cha Pákén Ruhá é habaray sháhediá dant ke ² maná sózna kén andóh o modámén dardé delá ent. ³ Drécha wati hamrag o hamzátén brátáni háterá, man nálat kanag buténán o cha Masihá besesténán. ⁴ Á, Esráili ant ke pa chokki zurag butagant. Shán o shawkat, ahd o paymán, Sharyatay rasag, parasteshay ráh o rahband o Hodáay labz o karár hamáyánig ant. ⁵ Bonpirok hamáyánig ant o Masih ham ke sajjahénáni Hodá ent, jesmi hesábá cha hamáyáni nasl o padréchá ent. Áiá modám satá o saná bát. Anchosh bát. Ámin.

⁶ Chosh naent ke Hodáay habarár prósh wártag. Chiá ke har Bani Esráilié, Esráili naent.

⁷ Ebráhemay har chokk o nomásagé áiay rástén óbádag naent. Bale “*tai nasl o padréch cha Esháká hesábá áraga bit.*”^a É chizz pésha dárit ke Hodáay chokk á naant ke jesmi chokk ant. Wádah dátágén chokk Ebráhemay nasl o padréch hesábá áraga bant. ⁹ Parchá ke wádah o karár chosh at: “*Gisshéntagén wahdá pera tarrán o Sárahá mardénchokké bit.*”^b ¹⁰ Tahná esh naat, gón Rebekáyá ham hamé paymén chizzé but, wahdé á pa wati járhén chokkán lápporr but. Áyáni pet ham hamá yakkén at, bezán may bonpirok Eshák. ¹¹⁻¹² Bale cha eshiá pésar ke chokk péda bebant o néki yá badi bekanant, Rebekáyá gwashag but ke “*masterén kasterénay hezmatá kant.*”^c É dhawlá but tán Hodáay erádah cha gechénkáriá barjáh dárag bebit, bale cha kár o kerday ráhá na, cha hamáyay ráhá ke ensáná gwánka jant. ¹³ Anchosh ke nebisag butag: “*Ákub maná dóst at o cha Issuá napraton kort.*”^d

¹⁴ Gorhá ché begwashén? Hodá náensáp ent? Hechbar! ¹⁵ Chiá ke gón Mussáyá gwashit: “*Agan belóthán gón yakkéá mehrabán bebán, gón áiá mehrabána bán o agan belóthán kaséay sará rahm bekanán, áiay sará rahma kanán.*”^e ¹⁶ Bezán, é ensánay wáhag o was kanagay sará nabit, rahm kanag Hodáay dastá ent. ¹⁷ Parchá ke Pákén Ketáb gón Perawná gwashit: “*Man tará pa é maksadá mazani dátág ke cha taw wati zór o wáká pésb bedárán tánke mani nám sajjahén zeminá jár janag bebit.*”^f

¹⁸ Gorhá bezán, Hodá harkasay sará ke belóthit rahma kant o harkasay delá ke belóthit senga kant.

Hodáay kahr o rahmat

¹⁹ Cha man josta kanay: “Gorhá Hodá chiá angat márá éra jant? Áiay erádahay démá kay óshtáta kant?” ²⁰ Bale, oo ensán! Pa rásti taw kay ay ke gón Hodáyá yak o do bekanay? É sharrén habaré ke addh kortagéné wati addh kanóká begwashéit: “Chiá maná é paymá addhet kortag?” ²¹ Kuzahgará é hakk nést ke cha gelay yakkén chanká darpé pa alkápén o darpé pa ancháén káréá addh bekan?

²² Gorhá ché? Harchont Hodáyá wati kahr o gazab pésb dárag o wati wák o kodrat paddar kanag lóthet, bale angat áiay ehtiárá at, gón mazanén ópáré á mardomán besaggít ke kahr o gazabay chérá atant o gár o gomsár bayagay láhek. ²³ Gorhá ché? Balkén áiá chosh kortag tán wati shán o shawkatá hamá mardomán pésh bedárit ke áiay rahmatay chérá ant, hamá mardom ke Hodáyá pésará pa shán o shawkatá tayár kortagant. ²⁴ Má ham ke Hodáay gwánk jatagén én é rahmatay chérá én, tahná cha Yahudiáni nyámá gwánk jang nabutagén, cha darkawmáni nyámá ham gwánk jang butagén. ²⁵ Anchosh ke Hushah nabiyet ketába gwashit:

“*Hamá ke mani kawm naat, man diá wati kawma gwashán,*
“*hamá ke mani dordánag naat man diá wati dordánaga gwashán.*”^g

²⁶ Anchosh ham:

“*Hamá jágahá ke gón áyán gwashag but: ‘Shomá mani kawm naét,’*
“*ódá á, zendagén Hodáay chokk gwashaga bant.*”^h

²⁷ Esráilay bárawá Eshayá nabi jára jant o gwashit:

“*Bell ke Bani Esráilay chokk, daryáy rékáni kesásá báz bebant,*

^a 9:7 Pédáesh 21:12. ^b 9:9 Pédáesh 18:10. ^c 9:11-12 Pédáesh 25:23. ^d 9:13 Maláki Nabiay Ketáb 1:2-3.

^e 9:15 Dargwaz 33:19. ^f 9:17 Dargwaz 9:16. ^g 9:25 Hushah Nabiay Ketáb 2:23. ^h 9:26 Hushah Nabiay Ketáb 1:10.

zendag ent. ¹¹ Hamé dhawlá, shomá ham watá pa gonáhá mordag bezánét o cha Issá Masihay ráhá watá pa Hodáyá zendag bezánét.

¹² Paméshká maylét gonáh shomay zawál bayókén jesm o jána hákemi bekant ke áiay sellén wáhágán purah bekanét. ¹³ Wati jesm o jány band o bógán gonáhay dastá madayét ke selliay sámán bebant. Shomá cha marká dém pa zendá árag butagét, nun watá Hodáy sepor dah bekanét o wati jesm o jány band o bógán ham Hodáy dastá bedayét ke páki o palgáriay sámán bebant. ¹⁴ Báyad ent gonáh shomay sará hákemi makant, parchá ke shomá Sharyatay sáhegá naét, rahmatay sáhegá ét.

Páki o palgáriay golámi

¹⁵ Gorhá ché? Paméshká ke Sharyatay sáhegá naén o rahmatay sáhegá én, gorhá gonáh bekanén? Hechbar! ¹⁶ Wahdé watá parmánbardáren golámáni paymá yakkéay dastá dayét, áiay goláma bét, parchá ke cha hamáiá parmána zurét. É habará nazánét? Yá gonáhay goláma bét ke dém pa marká bárt yá parmánbardáriay golám, dém pa páki o palgáriá. ¹⁷ Bale Hodáay shogr ent, harchont pesará gonáhay golám atét, nun shomá pa setke del hamá tálímay parmánbardári kortag ke áiay sepor dah butagét. ¹⁸ Shomá cha gonáhá ázát kanag o nun páki o palgáriay golám butagét. ¹⁹ Wati sareshtá nezór ét, paméshká man é habárán gón ensání mesáléa kanán. Hamá paymá ke shomá pésará wati jesm o jány band o bóg pa nápká o géshter bayókén radkáriáni golámiá péscha kort, nun áyán pa pákiay golámiá pés bekanét ke ásár o ákebatí palgári ent.

²⁰ Á wahdá ke shomá gonáhay golám atét cha páki o palgáriay némagá ázát atét. ²¹ Gorhá shomá cha á chizzán chónén samaré bort ke nun cha áyán sharmendag ét, á chizzán ásár mark ent. ²² Bale nun ke cha gonáhay némagá ázát butagét o Hodáay golám ét, samaré ke kathét palgári ent o áiay ásár namiránén zend. ²³ Parchá ke gonáhay mozz mark ent bale Hodáay bakshesh namiránén zend ent ke cha may Hodáwand Issá Masihay ráhá rasit.

Cha sur o sángá mesálé

7 Oo brátán! Nazánét ke Sharyat tán hamá wahdá ensánay sará hokma kant ke ensán zendag ent? Man gón hamáyán habar kanagá án ke Sharyatá zánant. ² Pa mesál, Sharyatay rahbandá, yak jané tán hamá wahdá wati marday páband ent ke mardi zendag ent. Bale agan mardi mort, gorhá á cha sur o sángay rahbandán ázát ent. ³ Tán wahdé áiay mard zendag ent, agan á dega mardé begipt, zenahkár zánaga bit. Bale agan áiay mard bemerit, cha Sharyatay é rahbandá ázát ent o agan dega mardé begipt zenahkár zánaga nabit.

⁴ Oo mani brátán! Hamé paymá cha Masihay jesm o jány ráhá^a shomá cha Sharyatá ázát butag o mortagé tán dega kaséay bebét, hamáiay bebét ke cha mordagán jáh janáé nag but, tán pa Hodáy bar o samar byárén. ⁵ Wahdé may mahár gonahkárén sareshtay dastá at, may band o bögáni tahá hamá porgenáhén hawá o hawasán kára kort ke cha Sharyatay zánagá chest butagatant tánke pa marká bar o samar byárén. ⁶ Bale nun má cha Sharyatá ázát butagén, cha hamá chizzá mortagéne ke pésará márá pábandi kortagat, tánke cha Ruhay nökén ráhá Hodáay hezmatá bekanén, cha Sharyatay nebeshtaháni kwahnén ráhá na.

Gón gonáhá ger o chill

⁷ Gorhá ché begwashén? Sharyat gonáh ent? Hechbar! Bale agan Sharyat mabutén, mana nazánt gonáh chié. Agan Sharyatá magwashtén “tamah makan”,^b mana nazánt tamah o lálech chié. ⁸ Bale

^a 7:4 Cha Masihay jesm o jány ráhá, bezán cha Masihay markay ráhá. ^b 7:7 Dargwaz 20:17; Sharyatay Domi Rahband 5:21.

gonáhá cha hamá hokmá sutt o páedag zort o mani delá har paymén tamahi pédá kort. Chiá ke cha Sharyatá dhann, gonáh mortag.⁹ Yak wahdé man cha Sharyatá dhann zenda gwázent, bale anchosh ke Sharyatay hokm átk, gonáh zendag but o man mortán.¹⁰ Man dist hamá hokmá ke báyad ent zend byáwortén, pa man marki áwort.¹¹ Gonáhá cha é hokmá sutt o páedag zort, maná radi dát o cha hamé hokmá koshti.¹² Gorhá, Sharyat pák ent, hokmi ham pák o nék o ádel ent.¹³ Gorhá á chizz ke nék ent, mani markay sawab but? Hechbar! Cha á Sharyatá ke wat nék ent, gonáhá maná dém pa marká bort tán gonáh, gonáh zánag o pajjárag bebit o cha Sharyatay hokmá áiay sherri o gandagi béhesáb bebit.

¹⁴ Má zánén ke Sharyat ruhi chizzé, bale man napsáni mardomé án ke goláméay paymá gonáhay kerrá bahá butagán.¹⁵ Man wati jenday kár o kerdán sarpada nabán. Á kárán ke kanaga lóthán nakanáñesh, bale hamá kárána kanán ke cha áyán naprata kanán.¹⁶ Agan hamá kárána kanán ke kanagesha nalóthán, gorhá mannán ke Sharyat sharr ent.¹⁷ Nun, cha ed o rand, é man naán ke á kárá kant, é hamá gonáh ent ke mani delá neshtag.¹⁸ Mana zánán ke maná, bezán mani gonahkárén sareshtá hech nékié mán nést. Maná nékén kár kanagay wáhag hast, bale korta nakanán.¹⁹ Á nékén kárán ke kanaga lóthán nakanáñesh, bale hamá badén kárána kanán ke kanagesha nalóthán.

²⁰ Agan man hamá kárána kanán ke nalóthán bekanáñesh, gorhá á káráni kanók man naán, kanók hamá gonáh ent ke mani delá neshtag.

²¹ Paméshká é kánuná gendán ke wahdé néki kanaga lóthán, badi gón man gón ent.²² Wati del o daruná, cha Hodáy Sharyatá shádán án,²³ bale dega kánuné wati band o bógáni tahá gendán ke gón mani delay kánuná jangá ent. É maná gonáhay kánunay bandiga kant ke mani band o bógáni tahá kár kanagá ent.²⁴ Oh ke man chónén syahróchén mardomé án. Kay maná cha é markigén jesmá rakkénit?²⁵ Hodáy shográ gerán ke cha may Hodáwand Issá Masihay ráhá rakkán. Haw, wati pegr o hayálá Hodáy Sharyatay golámiá kanán, bale wati sareshtá gonáhay kánunay golám an.

Cha Pákén Ruhá zendagi

8 Nun pa hamá mardomán hech mayárbárié nést ke Issá Masihay ant.² Chiá ke cha Issá Masihay ráhá, zeday Ruhay kánuná maná cha gonáh o markay kánuná ázát kortag.³ Hamá kár ke Sharyatá kort nakortagat, parchá ke gonahkárén sareshtay sawabá nezór butagat, á kár Hodáyá wat kort. É kári chosh kort ke wati jenday Chokki gonahkárén ensánéay dróshomá rawán dát tán pa may gonáhán korbánig bebit. É paymá cha yak jesm o jáneay ráhá^a gonáhi mayárbár kort,⁴ tánke Sharyatay lóth may jesm o jána sarjamiá purah bebit, má ke gonahkárén sareshtay ráhá nazurén, Ruhay ráhá zurén.⁵ Á ke gonahkárén sareshtay ráhá zurant, áyáni pegr o hayál gón hamá chizzán ent ke áyáni sareshta lóthít, bale á ke Ruhay ráhá zurant, hamá chizzání hayálá ant ke Ruhesha lóthít.⁶ Gonahkárén ensánay pegr o hayáláy ásar mark ent. Bale á pegr o hayál ke mahári Ruhay dastá ent áiay ásar, zendmán o ásudagi ent.⁷ Hamá pegr o hayál Hodáy dozhmen ent ke mahári gonahkárén sareshtay dastá ent. Á watá Hodáy Sharyatay dastá nadant, é kárá kort ham nakant.⁸ Á ke gonahkárén sareshtay dastá ant, Hodáyá washnód korta nakanant.

Bale shomá gonahkárén sareshtay dastá naét, Ruhay dastá ét, parchá ke Hodáy Ruh shomay delá neshtag. Agan kaséá Masihay Ruh gón mabit, á Masihay naent,¹⁰ bale agan Masih shomay delá ent, gorhá shomay jesm o jána gonáhay sawabá mortag o shomay ruh páki o palgáriay sawabá zendag ent.¹¹ Agan hamáiy Ruh shomay delá ent ke Issá Masihi cha marká rand jáh janáént, gorhá á ke Masihi cha mordagán jáh janáént, shomay zawl bayókén jesm o jána ham cha wati hamá Ruhá zenda bakshit ke shomay delá neshtag.

¹² Oo brátán! Gorhá má wámdár én, bale gonahkárén sareshtay wámdár naén ke áiay hesábá zend begwázénén.¹³ Chiá ke agan shomá gonahkárén sareshtay ráhá begerét, merét. Bale agan cha

^a 8:3 Bezán cha Issá Masihay jesm o jána ráhá.

Ruhay ráhá wati sareshtay gonáh o badkárián bekoshét, zendaga mánét.¹⁴ Á sajjahén mardom Hodáy chokk ant ke Hodáy Ruh áyáni rahshón ent.¹⁵ Shomára golámi ruhé narasetag ke padá betorsét, shomá pa chokki zurag butagét o Hodái Ruh shomára rasetag. Cha hamé Ruhá kukkára kanén “Abbá, oo Pet!”¹⁶ Ruhay jend gón may arwáhá gwáhia dant ke má Hodáy chokk én.

¹⁷ Nun agan má Hodáy chokk én, gorhá mirás ham barén, cha Hodáyá mirásá barén o gón Masihá hammirás én. Chiá ke agan má pa rásti áiay sakki o sórián hamráh bebén, gorhá áiay shán o shawkatá ham sharikdára bén.

Hodáy mehr o may áyókén shán o shawkat

¹⁸ Mani hesábá, é zamánagay sakki o sóri, á shán o shawkatay démá hecc naant ke pa má paddar bayagi ent.¹⁹ Chiá ke sajjahén hasti, pa bésabri hamé wadárá ent ke Hodáy chokk kadén záher kanaga bant.²⁰ Sajjahén hasti náhudagiay dastá dayag but. É cha hastiay jenday wáhag o razáyá nabut, cha hamáiy wáhag o razáyá but ke hastiay náhudagiay chérá chér tarrént, bale gón é ométtá²¹ ke hastiay jend cha zawaaliay golámiá ázát o Hodáy chokkáni ázátiaj shán o shawkatá sharikdára bit.²² Má zánén ke sajjahén hasti angat cha zank o záyagay dardán nálagá ent.²³ Tahná hasti nálagá naent, má wat ham ke cha Ruhay awali bar o samará sharikdár butagén, wati daruná nálagá én, hamé wahdá ke pa bésabri wadárá én ke márá pa chokki bezurit, tánke may jesm o jána ázát kanag bebit.²⁴ Má gón hamé ométtá rakkénag butagén, bale ométté ke sarjam butag, nun omét gwashaga nabit. Chón butá kant mardom hamá chizzay ométtá bebit ke hastenti?²⁵ Agan hamá chizzay ométwár bebén ke angat márá nést, gorhá pa sabr áiay wadárá bén.²⁶ Hamé paymá Ruh may nezoriáni tahá márá komaka kant, chiá ke má nazánén chón o pa kojám chizzán dwá bekanén, bale Ruhay jend gón anchén nálagán pa má nyámjigeria^a kant ke labzesi bayán korta nakant.²⁷ Á ke may delána pathit Pákén Ruhay pegr o hayálána zánt, chiá ke Ruh gón Hodáy wáhag o razáyá pa palgártagén nyámjigeria kant.

²⁸ Má zánén, Hodá sajjahén chizzán pa wati dóst dárókáni sharri o émeniá kára bandit,^b pa hamáyán ke Hodáy maksadá gwánk janag butagant.²⁹ Hodáyá á cha péshá zántant o cha pésará anchoshi gisshéntant ke áiay Chokkay dáb o dróshomá bebant, tán á Chokk bázén brátáni awali bebit.³⁰ Á ke Hodáyá cha pésará gisshéntant, gwánki ham jatant, á ke Hodáyá gwánk jatant, pák o palgári kortant o á ke pák o palgári kortant, shán o shawkatí ham dátant.

³¹ É chizzáni bárawá ché begwashén? Agan Hodá gón má gón ent, kay may dozhmen buta kant?

³² Á ke wati Chokkay parwáhi nakort o pa maygi cha áiá sar gwast, gón áiá hawár, á dega sajjahén chizzán ham márá nadant?³³ Hodáy gechén kortagénán kay bohtám jata kant? É Hodá ent ke pák o palgára kant.³⁴ Kay mayárbáriay hokmá borreta kant? Issá Masih, hamá ent ke mort o, haw, cha mordagán jáh janáéng but, hamá ke Hodáy rástén kashá ent o áiay dargáhá pa má nyámjigeria kant.³⁵ Kay márá cha Issá Masihay mehrá jetá korta kant? Sakki o sóri yá parésháni, ázár yá dhokkál^c, jándari, hatar yá zahmay zráb?³⁶ Anchosh ke nebisag butag:

Tai sawabá sajjahén róchá gón marká dém pa dém én^d
korbánigén pasáni paymá hesáb áraga bén.^d

³⁷ Enna, márá é sajjahén chizzáni tahá cha hamáiy ráhá mazanén kámyábié rasit ke gón má mehri kortag.³⁸ Man deljam o saddak án ke na mark, na zendagi, na préshtag, na hokmrán, na annugén o na áyókén chizz, na wák o zór,³⁹ na borzi, na jahili o na sajjahén hastiay dega chizzé márá cha Hodáy hamá mehrá jetá korta kant ke cha may Hodáwand Issá Masihá márá rasit.

^a 8:26 Nyámjigeri, bezán sohl o saláhkári. ^b 8:28 Yá: “Má zánén, sajjahén chizz pa Hodádóstáni sharri o émeniá gón yakdomiá kárá ant, ...”. ^c 8:35 Dhokkál, bezán kaht, hoshksáli. ^d 8:36 Zabur 44:22.